

Iloa Au Aia Tatau

Femalagaiga ma fegalegaleai ma leoleo

Taofia oe e leoleo i luga o le auala:

A taofia oe e se leoleo i luga o le auala, e iai lau aiā tatau e lē talia ai i ni fesili e tu'uina atu:

- Mo le Sitete o Alaska, e lē mo'omia le ta'uaina o lou suafa pe a tãpã e se leoleo.
- Mo tulaga fa'apenei, e ao ona e to'a ma tausii le filemu – o lou tali fautuaina – “Ou te lē fia talanoa ia te oe/outou.”
- Ae e te le'i aga'i ese mai i le nofoaga o lo'o fesiligia ai oe, e fautuaina le fesili i le leoleo pe mafai ona e alu ese mai lea nofoaga:
 - A fa'apea mai le leoleo e “loe”, savali pe aga'i ese loa ma le filemu
 - A fa'apea mai le leoleo e “Leai”, e lona uiga ua taofia fa'aletulafonoina oe.

Ua taofia fa'aletulafonoina oe e se leoleo:

E ese le taofia po'o le 'detain', ese le fa'apagota o oe po'o le 'arrest'.

- A taofia oe, e lē o avea oe ma pagota
- E lē mafai ona su'esu'eina lou tagata, m.f. pō pō fafo o ou lavalava se'i vagana ua latou masalomia o oe o se tagata fa'atupu fa'alavelave po'o e gātia foi se a'upega malosii.
- A sili atu loa ma le pō pō o fafo o ou lavalava, e mafai ona taofia le fa'aauauina o lea su'esu'ega ma e fa'apea “e te lē fa'atagaina le su'esu'eina o oe”. Ia te to'a ma tausii le filemu!
- E lē mafai ona fa'amalosia oe e leoleo e tali o latou fesili. Mo Alaska, e mafai ona e te'ena le tu'uina atu o lou suafa pe a tãpã e leoleo.

Ua fa'atūina lau ta'avale e se leoleo:

- E ao ona e usitaia le talosaga a se leoleo mo lau laisene aveta'avale, le resitara o lau ta'avale ma le pepa fa'amaonia o le inisia pe a fa'atūina lau ta'avale e se leoleo.
- E mafai foi ona talosagaina e leoleo le aveta'avale ma le pasese e omai i fafo mai i le ta'avale ma tu'ueseese i outou.
- E lē mo'omia e le aveta'avale po'o le pasese ona tali i ni fesili a leoleo.
- E lē mafai ona su'esu'eina lau ta'avale e leoleo se'i vagana ua manino se tasi o vaega nei:
 - ua e fa'ataganaina le su'esu'eina o lau ta'avale e leoleo
 - o lo'o masalomia e leoleo o lo'o iai sou pi'itaga i ni gaoiga fa'asolitulafono
 - o lo'o masalomia e leoleo o lo'o iai ni fa'amaoniga o ni faiga fa'asolitulafono i totonu o lau ta'avale
 - o lo'o masalomia e leoleo o lo'o iai sau pi'itaga i ni faiga po'o ni gaoiga fa'asolitulafono
- Afai e te lē fa'atagaina le su'esu'eina o lau ta'avale, ia e fa'apea atu i leoleo, “Ou te lē fa'atagaina leni su'esu'ega”
 - E lē mafai e leoleo ona avea lou te'ena o se su'esu'eina o lau ta'avale ma mafua'aga e masalomia ai oe i se solitulafono.

Āsia lau maota e leoleo:

- A āsia lau maota e leoleo, e leai se mea e fa'anatinati ai le tatalaina o lau faitoto'a.
- E ao ona e silafia, e lē mafai ona ulufale pe su'esu'eina lau maota e leoleo, e aunoa ma se poloaiga mai le fa'amasinoga. Afai o lo'o talosagaina e leoleo le ulufale atu i lau maota, e ao ona e tãpã ma silasila i le poloaiga muamua, ae le'i tatalaina lau faitoto'a. E mafai ona fa'aali atu i se fa'amalama. pe a iai, se avanoa o le faitoto'a, pe mafai fo'i ona fa'ase'e atu i lalo o le faitoto'a.
 - Aua le tatalaina lau faitoto'a pe talanoa i leoleo e aunoa ma le fa'amaoniaina o le poloaiga mai le fa'amasinoga. E mafai ona e fa'apea atu i leoleo, "Ou te lē fia talanoa ia te oe/outou."
 - Afai o lo'o fa'amalosia e leoleo le tatalaina o lau faitoto'a, e tatau ona e aga'i i fafo o lau maota e talanoa ai ma le leoleo ae tapuni lau faitoto'a.
 - **Lapataiga:** O le taimi e te fa'atagaina ai le ulufale o se leoleo i lau maota, e lē toe mo'omia se poloaiga mai le fa'amasinoga. Ona o lea, ia manino lou te'ena o le ulufale o leoleo i lau maota.
- Afai o iai ni fa'aletonu o le poloaiga (m.f. e lē o tusia ai lou suafa, nofoaga, suafa o le fa'amasino na sainia le poloaiga po'o lana saini), fa'amanino i leoleo o lo'o iai ni fa'aletonu o le poloaiga ma e te lē fa'atagaina le su'esue'ega o lo'o talosagaina. **O le tu'uialalo: Tausi le filemu!**
- Afai e su'esu'eina e leoleo lau ta'avale, sa'ili sau loia ma fesili i leoleo pe mafai ona e molimauina le su'esu'ega. Fa'amaumau igoa ma numera o pine a leoleo o lo'o iai i le su'esu'ega ma vaega uma na latou toesea mai le ta'avale. Afai o iai nisi tagata o lo'o iai i le taimi o le su'esu'ega, talosaga le latou fesoasoani e molimauina le su'esu'ega.

Avea oe ma pagota

- Ia e to'a!
- Tausi le filemu!
- E iai lou aiã tatau e lē faia ai sau fa'amatalaga i leoleo ma e fa'apea: "Ua ou filifili o le a lē faia sa'u fa'amatalaga".
- A ma'ea ona fa'ailoa lou aiã tatau, ona e talosaga loa lea mo se loia. Afai e te lē gafatia le tau o se loia, e mafai ona saunia se loia e tula'i mo oe. Fa'amanino i leoleo o lo'o e mo'omia se loia i se taimi vave. Leai nisi fa'amatalaga e tatau ona faia se'i vagana o lo'o auai lau loia.
- Afai e fa'aauau pea le fesiligia o oe e leoleo, fa'amausalī pea lau tali - "Ua ou filifili e leai sa'u fa'amatalaga e faia, ma ua ou mana'o i la'u loia". Aua nei e talia nisi fesili e aunoa ma le auai atu o lau loia i le talanoaga.
- E iai lou aiã tatau e fa'aaogaina ai le telefoni e vala'au ai se tasi. Mo talanoaga i le va o oe ma lau loia, e lē mafai ona fa'alogologo leoleo. Ae mafai ona latou fa'alogologo pe afai o se talanoaga ma seisi e ese atu ma lau loia.
- E iai lou aiã tatau e tula'i ai i luma o se fa'amasino i totonu o le 48 itula talu ona avea oe ma pagota.

Iloa Au Aia Tatau: Femalagaiga ma fegalegaleai ma leoleo

E iai aiā tatau a tagata uma e puipuia e tusa ma āiaiga o le Tulafono Fa’avae, e aofia ai le aiā tatau e lē faia ai se fa’amatalaga, fa’atasi ai ma le aiā tatau e puipuia mai ai i su’esu’ega lē talafeagai ma le lē fa’atulafonoina.

- Mo tagatanu’u Amerika Samoa, e iai le aiā tatau e nofomau ma galulue i totonu o le lunaite Sitete ma e lē mafai fo’i ona aveesea.
- Peita’i, afai o lo’o iai se naunautaiga e palota pe ausia nisi fa’amanuiaga fa’apitoa, e tatau ona avea muamua ma sitiseni o le lunaite Sitete. E lē okometi le avea o tagatanu’u o Amerika Samoa ma sitiseni o le lunaite Sitete e pei o isi atu motu (m.f. Puerto Rico, ma isi)
- O aiga o tagatanu’u o Amerika Samoa e le’i fananau i Amerika Samoa, pe e le’i avea ma sitiseni o le lunaite Sitete, m.f. tagatanu’u o le Malo Tuto’atasi o Samoa ma le Malo Tele o Tonga, e ao ona latou usita’ia tulafono o femalaga’ina a le lunaite Sitete ina ne’i a’afia i le tulafono ma ono aveesea ai.

Feagai ma le Ofisa o Femalagaina o le lunaite Sitete

- E mafai ona tǎpā e sui o le Ofisa o Femalagaina pemitā mo nisi e fa’amaonia ai le latou tulaga nofoa’i i totonu o le lunaite Sitete. E na o le Ofisa lava o Femalagaina e mafai ona tǎpā ia pepa. E lē mafai e le Ofisa o Leoleo.
- Fa’aali fa’amaumauga sa’o.
- Aua ne’i e molimau o oe o se sitiseni o le lunaite Sitete pe afai e lē o oe se sitiseni.
- E iai lou aiā tatau e lē faia ai sau fa’amatalaga i mataupu tau solitulafono
- Talosaga e te fia talanoa i lau loia.


Taliu atu le sui o le Ofisa o Femalagaina i lau fale-faigaluega.

- E iai lou aiā tatau e lē faia ai sau fa’amatalaga. Fa’amanino iai, “Ua ou filifili o le a lē faia sa’u fa’amatalaga”
- E mo’omia ona e tali pe a fesili po’o fea na e fanau ai
- Aua e te sola!
- Fesili po’o taofia oe. A leai, fa’ailoa iai o le a e aga’i ese ma e aga’i ese loa (O le tu’ualalo: la e to’a ma tausī le filemu)

Taliu atu le sui o le Ofisa o Femalagaina i lau maota

- A āsia lau maota e se sui o le Ofisa o Femalagaina, e leai se mafua’aga e fa’anatinati ai le tatalaina o lau faitoto’a.
- A’o le’i tatalaina lau faitoto’a, e ao ona e talosagaina le fa’amaoniaina o le poloaiga mai le fa’amasinoga. E mafai ona fa’aali atu lenēi poloaiga i se fa’amalama, se avanoa o le faitoto’a, pe fa’ase’e atu i lalo o le faitoto’a.
- Aua le tatalaina lau faitoto’a e aunoa ma se poloaiga mai le fa’amasinoga. E lē mo’omia foi le faia o sou fa’amatalaga se’i vagana ai le fa’amanoina o lou taofi e ala i le fa’apea atu - “Ou te le fia talanoa ia te oe/outou”.
- E na o le fa’amasino o le fale fa’amasino e mafai ona sainia se poloaiga. M.f. Silasila i le ata o se poloaiga o lo’o fa’apipi’iina atu.
- E lē mo’omia ona e ioeina le faia o se su’esuega.

Iloa Au Aia Tatau: Femalagaiga ma fegalegaleai ma leoleo



Feiloaiga ma sui o le Ofisa o Tiute ma le Puipuiga o le Lotoifale i le malae va'alele po'o tuaoi o le lotoifale

- E mafai ona fesiligia oe e sui o le ofisa lenei mo au pepa nofomau i le malae va'alele.
- E lē mafai ona fesiligia oe ona o lou ituaiga tagatanu'u, itupā, lau tapuaiga, po'o lou tala'aga fa'aleaganu'u.

Pe a avea oe ma pagota o le Ofisa o Femalagaina po'o le Ofisa o Tiute ma le Puipuiga o le Lotoifale:

- Afai o lo'o e fefe ina ne'i sauaina oe i lau atunu'u, fa'amanino lea tulaga i sui o ofisa nei ma fa'apea atu, "Sa ou feagai ma sauaga a'ou iai i la'u atunuu ma ou te popole mo lo'u saogalemu pe a ou toe foi".
- Aua ne'i e sainia ni maliliega e talia ai lou toe foi ma lou lotomalie i lau atunuu
- E iai lou aiā tatau e fai ai sau loia.
- E tatau ona e silafia le Numera o lau Pemitā Nofomau. E ao foi ona silafia e tagata o lou aiga po'o tagata o lo'o tou nonofo fa'atasi le vaega o lo'o teu ai ina ne'i mo'omia.

Afai o e lagona ua solia e leoleo au aiā tatau, e tatau ona e:

- Fa'amaumau ato'atoa uma mea na tutupu i le taimi na tupu ai, po'o se taimi ae le'i leva ona mae'a. A iai nisi tagata na molimauina ia tulaga, talosaga iai pe mafai ona maua foi se latou fa'amaumauga/fa'amatalaga o mea na tutupu ma fa'alologo iai.
- Talosaga i leoleo mo a latou igoa ma numera o latou pine. E iai lou aiā tatau e tãpã ai ia fa'amaumauga.
- Afai na fa'amanu'alia oe, sa'ili vave se togafitiga ma pu'e ata o manu'aga uma.
- Vala'au se loia ma fa'apepa lau tagi e ave i le Ofisa e faigaluega ai sui ia e fa'asaga iai lau tagi.

Afai o e sa'ilia se fesoasaoni fa'ale-tulafono mai le Ofisa o le ACLU i Alaska, [fa'amolemole silasila ane i a matou ta'iala ma fa'aulu lau tagi e ala i le matou upega o fa'amatalaga.](#)